

浣

紗

記

上

卷一

卷二

卷三

上

浣
紗
記

古本戲曲叢刊初集

古本戲曲叢刊編刊委
員會影印長樂鄭氏藏
明刊本魚書版匡高二
十一公分寬十四公分

怡雲閣浣紗記

上卷

家門

遊春

謀吳

伐越

交征

被圍

通髡



允降

送餞

投吳

捧心

談義

養馬

打圍

土越嘆

司雲開茨綠晴



效顰

降赦

放歸
諭使
宴臣
訪女

下卷

迎施

遣求

演舞

寄子

別施

見主

聖別

採蓮

定計

諫父

死忠

思憶

被擒

飛報

同盟

誓師
治定

行戒
泛湖

不允

顯聖

吳劍

擒郭

怡雲閣浣紗記上卷

第一齣



紅林檎近 末佳客難重遇勝遊不再逢夜月映臺館春風
叩簾櫳何暇談名說利漫自倚翠偎紅請看換羽移宮興
廢酒杯中○驥足悲伏櫪鴻翼困樊籠試尋往古傷心全
寄詞鋒問何人作此平生慷慨負薪吳市梁伯龍間內科
借問後房子弟今日搬演誰家故事那本傳奇內應科
今日搬演一本范蠡謀王圖霸勾踐復越亡吳伍胥揚
靈東海西子扁舟五湖末原來此本傳奇待小子畧道
家門便見戲文大意

漢宮春范蠡遨遊早風流倜儻歷遍諸侯因望東南霸起
越國遲留尋春行樂遇西施浙水溪頭姻緣定將紗相贈
雙雙遂結綢繆○誰料邦家多事共君投異國三載羈囚
歸把傾城相借得報吳讐佳人才子泛太湖一葉扁舟看
今古浣溪新記舊名吳越春秋下

第二齣

遊池遊生扮范蠡便服上尊王定霸不在桓文下爲兵戈
幾年鞍馬回首功名一場虛話笑孤身空淹歲華少小豪
雄俠氣聞飄零仗劍學從軍何年事了拂衣去歸臥荆
南夢澤雲下宮姓范名蠡字少伯楚宛之三戶人也倜

儻負俗佯狂玩世幼慕陰符之術長習權謀之書先計
後戰善以奇而用兵包勢兼形能以正而守國爭柰數
奇不偶年長無成因此忘情故鄉游宦別國蒙越王拔
於衆人之中廁之大夫之上志同道合言聽計從邇年
以來邦家多故廟乏善策外有強鄰正君子惕勵之時
人臣幹蠱之日今日春和景明柳舒花放暫解印綬改
換衣裳潛游田野正欲問俗觀風浪蹟溪山兼可尋真
訪道迤邐行來早是山陰道上了只見千巖競秀萬壑
爭流雲木週遭溪山罨畫家家畊牧燕雀賀生成處處
歌謠桑麻深雨露正是旭月初升海上紅雲萬國東風

布暖湖邊細雨千家其實好遊行也

金井水紅花農務村村急溪流處處斜迤邐入烟霞景堪
誇峯巒如畫拚把春衣沽酒沉醉在山家唱一聲水紅花
也羅偶爾閑步試看世情奔走侯門驅馳塵境我仔細想
將起來貧賤雖同草芥富貴終是浮雲受禍者未必非
福得福者未必非禍與時消息隨世變遷都是一場春
夢也更衣變服究古論今較勝爭強不知何年纔罷笑
你驅馳榮貴還是他們是他笑我奔波塵上終是咱們
是咱追思今古都付漁樵話行過山陰了不免到諸暨走
一遭正是爲菱溪山最深處令人忘却利名心下

蓮池遊

日素衣持竿浣紗上亭蘿山下村舍多瀟灑問鶯

花肯嫌孤寡一段嬌羞春風無那趁清明溪邊浣紗溪路

沿流向若耶春風處處放桃花山深路僻無人問誰道

村西是妾家奴家姓施名夷光祖居亭蘿西村因此喚

佐西施居既荒僻家又寒微貌雖美而莫知年及笄而

未嫁照面盆爲鏡誰憐雅淡梳妝盤頭水作油只是尋

常包裹甘心荆布雅志貞堅年年針線爲他人作嫁衣

裳夜夜辟纁常向隣家借燈火今日晴爽不免到溪邊

浣紗去也只見溪明水淨沙煖泥融宿鳥高飛游魚深

入飄飄浪蕩流花靨來往浮雲作舞衣正是日照新妝

水底听風飄素袖空中舉就此石上不免浣紗則箇

金井水紅花綠水全開鏡清溪獨浣紗波冷濺芹芽濕裙

釵嬌羞誰訝美得慊慊春倦不覺髻兒斜唱一聲水紅花

也囉浣紗已畢且收拾回去罷收竿起身整衣長嘆科梅

花雖好浪影溪橋燕子多情空巢村店我仔細想將起

來世間多少佳人才子不能成就鳳友鸞交我既不能

見他他又不得遇我日復一日年又一年不知何時得

遂姻緣也朝朝自出夜夜空歸樹黑山深恰又夕陽西

下笑我寒門薄命未審何時配他笑你王孫芳艸未審何

年配咱花枝無主一任東風嫁下遇生上轉過若耶渡來

到苧蘿村呀小娘子拜揖旦客官萬福生背科世間有
這等女子豈非天姿國色乎小娘子我且問你你何方
居住姓甚名誰莫非採藥之仙姝必是避世之毛女緣
何在此乞道其詳旦客官妾就住苧蘿山口寒家姓施
世居西村名喚西施生小娘子你青春幾何曾嫁人否
旦年方二八尚未適人生小娘子我不敢容隱下官就
是越國上大夫范蠡尋春到此旦賤妾不知貴人失于
退避生你是上界神仙偶謫人世如此豔質豈配凡夫
你旣無婚我亦未娶卽圖同居丘壑以結姻盟但以身
常許君遭時多難敢冀少停旬月卽當奉遣永人乞告

嚴親萬勿他適旦蓬茅陋質田野村姑蒙君子不遺葑
菲之微實賤妾得荷絲蘿之托雖遲年歲豈敢變移生
敢問小娘子你手中拿的甚麼東西旦家貧無以營生
聊以浣紗爲業生下官微行失帶禮物卿是漢女僕乃
鄭生敢借溪水之紗權作江臯之佩持此爲定勿背深
盟旦通紗與生接科旦小物輕微不足留贈

玉抱肚生行春到此趁東風花枝柳枝忽然間遇着嬌娃
問名兒喚作西施感卿贈我一縑絲欲報慙無明月珠
前腔旦何方國士看堂堂風流俊姿謝伊家不棄寒微却
教人惹下相思勸君不必贈明珠猶喜相逢未嫁時旦日

暮途黑就此告歸(生)多謝娘行前途保重(宮中夫人)

(生)芙蓉脂肉綠雲鬟(旦)看盡樓臺青黛山(生)

(生)千樹桃花萬年藥(旦)不知何事憶人閑(生)

第三齣

滿庭芳(小生)扮越王衆扮內官上(聖)禹開基神工留蹟千

年王業猶存宿承茆土吳越隔江分運值春秋季世天王

遠政令紛紜看隣境干戈正起東海位波臣(生)

鷗鵠天縹緲孤城海上居蕭條霸業繼無余夙傳宛委

山中瑞猶佩當年金簡書西阨楚北連吳雄心未遂竟

何如他年匡濟尊周室始信東南有丈夫(衆)奴婢叩頭